

POJAŠNJENJA NAČINA OBAVLJANJA PRIJEVOZA U/IZ/KROZ NORVEŠKU U POGLEDU POTREBE I VRSTE TRANSPORTNE DOZVOLE

U skladu sa odredbama Protokola iz 2017.godine, Bosna i Hercegovina i Norveška razmjenjuju samo bilateralno/tranzitne dozvole, dok će povećanje kontigenta tih dozvola u definiranom i većem broju, kao i razmjena kontigenta dozvola za prijevoze u/iz trećih država, biti izvršeno po ispunjenju određenih uvjeta koje je postavila norveška strana.

1. BILATERALNI PRIJEVOZI

· Za prijevoze iz Bosne i Hercegovine u Norvešku ili iz Norveške za Bosnu i Hercegovinu obavezno je posjedovanje norveške bilateralno/tranzitne dozvole ili CEMT dozvole.

Primjeri:

1. *Za prijevoz u/iz Bosne i Hercegovine iz/u Norvešku na osnovu norveške bilateralno-tranzitne dozvole, za tranzit kroz države članice EU nije potrebna dozvola.*
2. *Za prijevoz u/iz Bosne i Hercegovine iz/u Norvešku na osnovu CEMT dozvole, CEMT dozvola se mora nalaziti u vozilu od mjesta utovara do mjesta istovara uz uredno evidentiranje vožnje u CEMT dnevniku vožnje.*

2. TRANZITNI PRIJEVOZI

· Za tranzitne prijevoze kroz Norvešku, potrebno je posjedovanje bilateralno-tranzitne ili CEMT dozvole.

3. PRIJEVOZ U/IZ TREĆE ZEMLJE IZ/U NORVEŠKU

· Prijevoz u/iz treće zemlje u/iz Norveške može se obaviti samo uz posjedovanje CEMT dozvole.

Primjer:

1. *Kada se prijevoz obavlja na osnovu CEMT dozvole u/iz neke treće države iz/u Norvešku, pri čemu se logičnim putem ne tranzitira Bosna i Hercegovina, tada se taj prijevoz može obaviti isključivo sa austrijskom CEMT dozvolom ako se tranzitira i Austrija.*
2. *Kada se prijevoz obavlja na osnovu CEMT dozvole u/iz neke treće države iz/u Norvešku, pri čemu se logičnim putem tranzitira Bosna i Hercegovina i tranzitira se Austrija, tada to može biti i bilo koja CEMT dozvola uz korištenje bilateralno-tranzitne dozvole kroz Austriju (i CEMT dozvola i austrijska bilateralno-tranzitna dozvola moraju se nalaziti u vozilu, a broj austrijske bilateralno-tranzitne dozvole i njeno korištenje mora biti nevedeno u rubrici „Posebne napomene“ u CEMT dnevniku vožnje).*
3. *Kada se prijevoz obavlja na osnovu CEMT dozvole u/iz neke treće države iz/u Norvešku, bez tranzita Austrije, tada se može koristiti bilo koja CEMT dozvola, te nalaziti se u vozilu od mjesta utovara do mjesta istovara.*

4. VAŽENJE DOZVOLA PREMA VAŽEĆEM PROTOKOLU IZ 2017.GODINE

· Prema važećem Protokolu Mješovite komisije, definirano je da se bilateralno/tranzitne dozvole izdate u tekućoj godini mogu koristiti do 31.januara naredne godine.

5. KONTAKT OSOBE PREMA VAŽEĆEM PROTOKOLU IZ 2017.GODINE

· U važećem Protokolu Mješovite komisije, nisu definirane kontakt osobe za rješavanje problema nastalih prilikom obavljanja međunarodnog cestovnog prijevoza, nego se kontakt odvija putem državnih ministarstava nadležnih za pitanja iz oblasti transporta.

17.01.2022.godine

Pripremio,
Zijad Sinanović, dipl.ing.saob